

## 二經同卷

傷六

佛說決定總持經

謗佛經

佛說決定總持經

西晉三藏法師竺法護譯

比丘千二百五十菩薩八萬一切大聖神通已達皆不退轉究竟諸法已建總持辯才微妙曉了善權方便之宜善學無數菩薩禁戒入于深要體解十二緣起合會行無所造空無相顧不起不生一切諸法使入一道諸通慧海攬攝法藏其意廣普聖覺無際明識衆義分別美辭章句之趣所問則答靡不通暢得衆生意解諸結縛心等如空無有憎愛離於衆垢寂然永安達無瑕疵成大乘場演智慧光降伏外學猶如日明消螢火燭及摩尼珠火電之暉絕去放逸棄諸顛倒所計有常斷滅之觀了知無我無壽無命無人無養寂

然觀察諸所興起無央數劫行菩薩道披正德鎧化一切人六度無極修於四恩從權方便出生死道以斯開導迷惑之衆示于禍福救濟苦惱令不復造生死根栽皆得進至三昧門其名曰無憂首菩薩師子樂菩薩光英王菩薩梵音響如雷雨菩薩無量德寶菩薩雜華菩薩若干瓊珞嚴莊菩薩石摩王菩薩法爾菩薩蓮華首藏王菩薩壞虛狀意見菩薩大智光明菩薩辯演若干種王菩薩如是等類菩薩八萬余時世尊與無央數百千之衆眷屬圍遶而爲說經其法名曰決總持門彼時會中有族姓子等輩十人咸共聽受聞如來宣決總持門欣然踊躍善心生焉棄捐睡眠樂處閑居修止足德專志經行夙夜精進無敢懈怠離於放逸貪欲之想如是慇懃不廢精進至于七年終竟七載其心馳騁不得湏臾定息一時何況乃當逮總持門不得所願其意事狀節德閑居樂於睡眠廢於精

進不復經行捨欲之事不復修學揔持之門  
釋沙門服捨戒就賤迷惑志性求聖教短皆  
歸居家還習五業於時世尊爲王阿闍賞決  
虛妄疑已除猶豫七日寂然則演聖威因令  
其王不爲放逸心懷諱訟解散王結一切調  
戲諸所見縛竟七日已與七億人往詣佛所  
二

欲啓受法十族姓子求聖短者亦侍從王在  
於大衆是時座中有一菩薩名無怯行致得  
揔持從無數劫成就法忍遠無從生無有顛  
倒辯才無量入一切智正慧道力分別隨順  
度無極行曉無思議揔持門品普見一切衆  
生志性根無所趣應可化者而爲說法不失  
其本即從座起偏露右肩右膝着地叉手白  
佛惟天中天此族姓子等類十人出家修道  
夙夜精進七歲不懈欲求揔持所願不獲失  
其本志捨沙門服還家居業察聖教短惟願  
世尊演說法義以權方便如應開化令族姓  
子改往修來當自歸命無上大道

三 佛告無怯行菩薩斯族姓子乃往過去久遠  
出時謗毀佛法不肯聽受以用謗毀越佛法  
故由是所致不得疾獲無上大道無怯行菩  
薩以頌問佛曰

我聞人中尊 法王演光明 諸菩薩所行  
得消除殃罪 功勲慧遠布 無能越度者  
十力無等倫 聖智無墨礙 已脫於三劇  
則不爲放逸 惟爲說其行 使淨斯道業  
今啓於無量 猶豫意結綱 今質於如來  
猶豫意結綱 執懷甘靈慧 當爲分別說  
何謂諸菩薩 修行於大乘 廿尊惟爲決  
最勝行無懈 降伏魔宮屬 日日常精進  
三 晚了一切行 顯示於衆生 燒盡衆塵穢  
道行之本業 言辭甚微妙 惟爲分別說  
在於生死處 樂度終始患 和顏爲人說  
解決衆狐疑 最勝願爲說 諦聽所難詠  
善修德清淨 本行滅生死 如應修道行  
本行滅生死 恻哀施安隱 手

頭目施與人 妻子亦如是 欽敬行忍辱  
好於禁戒德 精進修寂願 曉了堅固志  
衆會以此德 能忍百千患 仁尊所遊步  
勝通便無礙 明識所當行 知節無猶豫  
滅除三垢穢 所致無能極 分別出家業  
開化於五趣 安住惟爲說 如應當行道

佛告無怯行菩薩此族姓子等類十人過去  
世時違犯諸佛誹謗經典何謂違犯諸佛之  
法乃往過去又遠世時更歷三十二劫焰氣  
世界有佛名曰光世音如來至真等正覺明  
行成爲善逝世間解無上士道法御天人師  
爲佛世尊是族姓子等類十人在於彼世爲

其中宮貴人姝女五百之衆大作妓樂以寶  
爲華而散其上和栴檀香用塗其體以五百  
蓋而覆其上五百細妙衣服供養晝夜七日  
住不敢坐奉以所安隨其所宜不失時節甚  
敬法師最爲無上巍巍之尊福無過者時大  
豪貴長者之子誹謗橫枉辯積菩薩法師言  
第 三 三 冊 四

毀法戒不墮禁業以是罪故墮於地獄滿九  
萬歲生於人間五萬世中墮在邊地夷狄之  
中迷惑邪見罪蓋覆蔽六百世中常當生盲  
瘡瘍無舌不能言語出家爲道作沙門來更  
一菩薩名曰辯積逮得揔持執權方便進退  
隨宜開化一切而爲說法適處高座五百諸

故宿命餘殃罪蓋所蔽而今此輩諸族姓子  
不得揔持是故賢者囑累汝等鄭重告勑聞  
是經典面見法師爲人頒宣咸共供養不當  
愁憂心懷毒害況復遙聞生惡心耶佛言族  
姓子假使有人皆取衆生挑其兩眼斯罪雖  
重尚可堪任劫數盡竟若有害意向於法師  
罪之劫數復過於拔假使有人皆取衆生好  
聞諍者和諸別離廣全安隱若見法師一心  
住前是諸功德過於和合衆生聞諍全得安  
隱百倍千倍萬倍億倍巨億萬億不及悅顏  
住菩薩前所以者何其有誹謗於法師者則  
謗於法謗法者則謗如來欲得供養於如來  
者當奉法師欲敬如來當順法師欲禮如來  
當禮法師所以者何諸菩薩等皆從法生從  
諸菩薩成一切智因一切智成佛世尊菩薩  
所起因興道心不以住欲在於塵勞得稽首  
禮由無所生則無所住淨修梵行見稽首禮  
不以無色三昧正受禮於無色也不以餘殃

而就所生所願自在因其所願而往生矣已  
得解脫一切愚冥凡夫之行欲令菩薩有餘  
殃者猶使虛空有其色像譬如族姓子阿耨  
達龍王欲見諸龍遊戲之時教告一切諸龍  
眷屬皆依龍王而得安隱常脫三痛能爲無  
患菩薩如是捨一切樂斷三毒罪滅蓋塵勞  
壞衆苦惱尔乃爲安度脫衆生譬言如蛟龍遊  
於水中而無所畏菩薩如是遊於三界亦無  
所懼譬如蛟人行於深水見中所有恣意所  
欲而不爲水之所害也菩薩如是遊於盲冥  
凡夫之衆住其所行惟覩慧義不違道行不  
與愚人而俱同塵不爲三處所見沒溺是故  
行者常當將護奉法安詳此爲菩薩之所修  
業佛時頌曰  
其欲歸命佛 敬承無量聖 常供養菩薩  
欽奉於導師 吾今所衣鉢 牀榻諸坐具  
佛皆以此供 聽施志道者 所上佛燈火  
以是鎧給之 如是成正覺 諸聖中最上

飲食車乘施 斯等諸慧士 爲愚之道者  
將至甘露方 一切衆生類 施天人間安  
以順初發意 不能報其恩  
無怯行菩薩復白佛言惟天中天寧有方便  
使此十人族姓子等消除罪殃得至道乎佛  
言設此十人一心受學佛所頒宣修是法律

復爲沙門勤調誦斯揔持章句可成道耳何  
謂揔持章句

修清澄 鮮潔句 清且涼 無所授  
亦無造 無所淨 遵速疾 取新生  
奉精進 禮行步 勤修行 智曉了  
主觀察 無所趣 去患難 遊慕便

舉輕便 普清淨 無不淨  
佛告無怯行菩薩此等十人以調誦是揔持  
章句而於七日修恩德無所下使無色不懷  
瞋恚安詳不外遊無所作無瑕穢心平等捨  
所有離五陰釋不淨意念佛諸族姓子設能  
如是奉遵道教十方世界各有千佛示現其

易  
卷等

前令自見之尅心自責歸命聖尊罪殃可除  
速成道慧諸族姓子時聞佛教等順法律即  
捨家業出爲沙門調誦此揔持章句如聖所  
誨晝夜七日精進奉行竟七日已轉見十方  
各有千佛分別爲說消罪之業應時皆得修  
普智行揔持之門超三十六劫生死之難逮

不退轉當成無上正真之道也佛告無怯行  
菩薩尔時月施國王者今現在阿弥陀是其  
辯積者阿閦如來是十長者子者今此十人  
族姓子是也故無怯行其有志學菩薩乘者  
慇勤奉修如佛所教住于正法捨置無明慎  
無伺求他人之短也

佛告無怯行菩薩有四事行能遵修者嚴淨  
佛道何等爲四一曰奉行空事常有慈心無  
害衆生二曰菩薩愍敬同學不爲輕慢三曰  
爲人說法以經惠施無所希望四曰志常專  
一不懷供養衣食之心是爲四佛時頌曰  
其志常樂駕信空無 修治清淨最勝之道

猶如日光隨時宣明 已得佛道所照過彼  
未曾有人知其瑕闕 爲大聖德普忍一切

如是清淨柔順之場 棄捐貢高堪任無量  
一切所有上妙衣服 皆當以施志佛道者  
亦不從人希望供養 是為佛道清淨之品  
以不希冀施無量法 恒修愍哀念於衆生

七

志性常懷恩德之義 是為嚴淨諸佛之道  
假使樂奉一切諸聖 若欲供養無欲經典

常當承事無極佛道 斯三寶者皆由中生  
佛告無怯行菩薩復有四事疾得佛道何謂  
爲四一曰愛樂明經好於大乘二曰遠離愛  
欲不習放逸三曰常濟貧匱供以所之四曰

能興法財七業施人是爲四佛時頌曰  
愛樂法師志慕大乘遠離愛欲修清淨行  
愍傷貧厄濟諸危難常以七財施不懈道  
佛告無怯行菩薩復有四事疾得佛道何謂  
爲四一曰常行大慈哀諸群生二曰常行大  
哀爲之雨淚三曰常行大喜和顏悅人視於

衆生四曰常行大護救度三界生死之患是  
爲四佛時頌曰

常行於大慈愍傷衆生類念欲成就之  
如母育其子大哀遊終始不畏諸患難  
五趣如泡沫愍之爲雨淚和顏察衆生  
以法而樂之示以離衆苦無痛長安隱

委靡隨五趣方便示所宜使度三界惱  
獲致無上道

佛告無怯行菩薩若有勤求此摶持者當習  
閉居數詣法會等行清淨着淨衣服遵修四  
事威儀禮節之正志不懈廢以若干種諸所  
供具奉養法師篤信三寶常懷恭敬謙遜卑

順未曾懈怠常行精進無有諛詭邪行之業  
心之所念常不離佛意所遵修解無所有已  
無所有無所思念皆能曉了衆生性行勤自  
謹勑心口相應愛樂諸佛請問諮詢受悔過守  
節勤助德本威儀禮節不違道教無應不應  
聞非人聲不以恐怖不畏蛇蠍毒蟲之虫奉

敬師長修此經典未曾懈倦佛說是經時三  
萬人從本已來未興道心今皆發起無上正  
真道意五千人遠塵離垢諸法眼淨三万菩  
薩逮得無所從生法忍佛言若有菩薩聞說  
是經法皆得具足一切功勳無量才辯若族  
姓子族姓女學菩薩道皆以七寶滿于三千

佛持附華非

①

半

大千世界恒邊沙劫奉進三寶若復有人聞  
此經典福尊過彼若有菩薩於百千劫奉五  
度無極而無大智無善權者不如聞此經典  
之要福尊過彼是故族姓子囑累汝等此經  
相付慤勤勸助隨時將護令不忘失莫使增  
減長存在世持諷誦廣分別義爲他人說

假使遭厄殞沒身命故當將順於此經典勿  
使忘失是佛之教佛說如是無怯行菩薩十  
族姓子諸大聲聞一切衆會天龍鬼神阿湏  
輪世間人聞經歡喜作禮而去

佛說決定持經

傷六

謗佛經

元魏天竺三藏法師菩提留支譯

如是我聞一時婆伽婆住王舍城耆闍崛山  
中與大比丘衆千二百五十人俱菩薩八十  
千余時會中有菩薩摩訶薩名離憂悲在大  
會坐師子座遊戲菩薩摩訶薩智光明菩薩  
會坐師子座遊戲菩薩摩訶薩智光明菩薩

摩訶薩梵音響雲聲菩薩摩訶薩善作功德  
寶華光明菩薩摩訶薩師子遊步雲雷音  
聲菩薩摩訶薩光明威德名聞菩薩摩訶薩  
無邊智聚思惟莊嚴菩薩摩訶薩無邊寶華  
名稱菩薩摩訶薩智慧光明辯才說意菩薩  
摩訶薩此十菩薩摩訶薩集在會坐已於十

傷

半

①

半

年爲陀羅尼精勤修習而不能得滿七年已  
則生憂愁心尚不定況陀羅尼所求不得心  
生疲倦既於七年離癡覆蓋恒常經行求陀  
羅尼而不能得捨戒還家遠離佛法作鄙劣  
行於佛法中心生疑惑有如是過阿闍世王  
在大會坐